



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis, Episcopis, Abbatibus, Ducibus, & aliis Principibus carissimo
in Christo filio nostro illustri Regi Ottoni in Romanorum Imperatorem
electo faventibus.

urn:nbn:de:hbz:466:1-20006

litatem præstabunt, ita per Dei gratiam quod discordia in gratiam converteret. Expedit enim vobis & nobis ut consilium vestrum & auxilium apponatis sicut videritis expedire. Rogamus igitur paternitatem vestram, ut solito more benignè legationem nostram audiatis, & consilium vestrum, quod magnum est, apponatis, & latorem præsentum H. de Aquileia quam citius poteritis nobis transmittatis; quia in predicta curia consilio vestro & auxilio unà cum Principibus imperij uti volumus, facturi quod nobis mandaveritis. Et quæ lator præsentum super iis vobis dixerit indubitanter credatis. Predicta curia erit apud Vvoldam. Dominus Legatus non interfuit curie Sufak, quia pro negotiis Ecclesiæ ac nostris ad partes ierat orientales.

*ILVSTRI REGI OTTONI IN
Romanoram Imperatorem electo.*

Epist. 107.

Serenitatem tuam in Domino commendamus quod ingratitudinis virtutum fugiens, & Ecclesiæ Romanæ beneficia recognoscens, nobis post Dominum profectum sue promotionis adscribit & per suas litteras constetur quod negotium ejus redactum esset in cinereum & favillam nisi ei manus nostra & beati Petri auctoritas astirisset. Consideras enim tecum & diligenter attendis quod non labii tantum te curaverimus honorare, sed in omnibus quæ ad promotionem tuam facere videbantur auctoritatem tibi præstithimus & favorem; dumque statum præsentem præterito confers, & utrumque altero diligent meditatione metiris, & qualiter pars adversa, quæ in sua olim potentia confidebat, suis sit ex magna parte viribus energata, consideras, intelligis quantum tibi per favorem apostolicæ sedis acceperit, quantumque factus sis te ipso robustior, & qualiter in promotione tua pars sit altera minorata; quia per Dei gratiam te proficiente deficit, & te crescente decrescit. Gaudemus etiam quod is cuius vices in terris, licet insufficienes, gerimus & ministerium exercemus, judicium nostrum videatur misericorditer approbasse, cum ei quod plantavimus & rigavimus dederit incrementum & datus credatur in proximo ad perfectum. Verum non nostrum, sed suum potius judicium approbavit. Quoniam nos ejus exemplo super imperij Romani negotio non fuimus personarum aut munerum acceptores, nec potentem respeximus & despeximus impotentem; sed potente potius ob causas rationabiles & multiplices reprobato, elegimus & assumpsumus impotentem, ejus inhærentes vestigiis qui exaltat humiles & humiliat contumaces. Monemus igitur serenitatem regiam & exhortamur in Domino quatenus quanto Deus te amplius exaltabit, tanto magis in ejus humilies te conspectu, elationem cordis fugiens & extollentiam oculorum, non solummodo apud Dominum, sed & apud imperij Principes & pauperes quoilibet & minores. Beneficia quoque apostolicæ sedis assidua tecum meditatione recensens, eam, sicut debes, in capite venereis, & in membris honores; sciens quod caput membro gaudenti congaudet, & parti dolenti suum condolet universum. De nobis autem, quorum constantiam es expertus, si quid tibi fuerit sinistri suggestum, omnino non credas; sed puritatem nostram ex operibus nostris attendas, non credens sermonibus detractorum,

qui ad tuum potius detrimentum immisiones per malos angelos facere moliuntur; non tam ut tu contra fidem apostolicam movearis quæ ut nostra circa te conscientia vulneretur. Cum autem Dominus tempus tibi concederit opportunum, quo possis feliciter imponere laboribus tuis finem, vide ne in vacuum gratiam ejus accipias & accepto tempore negligas causam tuam; sed opportunè ac importunè insistas ut quod quærvis invenias, & accipias quod expetis & exoptas. Quia verò, sicut accepimus, in manu forti es Sueviam intraturus, volumus ut indemnitas Ecclesiæ & religiosorum locorum quantumcumque poteris studeas provide-re, cavens follicitè ne monasterium de Salem, in quo fratres Cisterciensis ordinis laudabiliter conversantur, destruantur occasione hujusmodi vel enormiter & graviter opprimatur. Ceterum quoniam, ut docet Apolitus, non omni spiritui est credendum, sed probandi sunt spiritus si ex Deo sint, cum frequenter angelus Sathanæ transfiguraret se in angelum lucis, & sepe immisiones fiant per angelos malos, verentes ne fraudibus noceat qui viribus noce-re non potest, super quibusdam quæ dilectus filius H. Aquilegensis nuntius tuus nobis proposuit ob cautelam nostram & commodum tuum ad præsens non duximus aliud respondendum nisi quod in omnibus te circumspicuum exhibeas ac prudentem, nec verbis detinearis inanibus, ut cum tempus acceperis, oblata tibi temporis opportunitas dilabatur, aut circumveniaris fraudibus exquisitis, ut quos habes amittas, & quos habiturus fueras non acquiras. Datum Anagniæ 111. Kal. Februarij.

*ARCHIEPISCOPI, EPISCOPIS,
Abbatibus, Ducibus, & aliis Principibus ca-
rissimo in Christo filio nostro illustri Regi Ottoni
in Romanorum Imperatorem electo faventibus.*

Sollet esse tam messis quam vindemia cultori gratior post laborem, & non solum mercenarius finem sui operis prætolatur, sed & vi-ri fortes habent menses vacuos, & dies sibi laboriosos enumerant, donec quod feliciter inchoaverunt feliciter exequantur. Sanè summa intentionis finis operis esse debet, nec solet incipere sapiens quod nolit aut nequeat consummare, sciens quod finis non pugna coronat, & non qui cœperit, sed qui perseveraverit, salvus erit, nec currentes, sed percurrentes bravum apprehendant, aut coronentur qui nisi usque in finem legitimè decertaverit. Siquidem cum ad promotionem carissimi in Christo filij nostri il-lustris Regis Ottonis in Romanorum Imperatorem electi tam in personis quam rebus plurimum laboraverit haec tenus, nec fuerit labor vester inanis, immo planta quam plantasti diligenter & rigastis dederit Dominus incrementum, ita ut maturitati proxima jam spondeat uberes fructus vobis, cavete ne in vacuum gratiam Dei recipiatis, sed eam potius tempore acceptis accepto, & cum via vobis pateat & sit oblata facultas, quia semper nocuit differre paratis, non queratis moras aut dilaciones captatis, sed eis omnino postpositis, quod bene cœpistis, quantum permiserit Dominus, com-

Epist. 108.

pleatis. Ecce enim regiones albent ad messem, ita ut nisi messor negligat messiōnem, sed falce accingat potius ad metendum, metere non solum quā seminarerat ipse possit, sed in aliorum intrare laborem & quā alij seminarerant congregare. Monemus igitur universitatem vestram & exhortamur attentionis & per apostolica vobis scripta mandamus quatenus ut finem de cetero tam vestris quām imperij laboribus imponatis, taliter vos accingere procuretis ut cū eum vocabimus ad coronam, nulla vos mora detineat quin in forti manu & brachio extento, prout videbitur expedire, ad nostram p̄ræsentiam honorificē adducatis, apostolicae benedictionis gratiam & sacræunctionis mysterium suscepturn. Taliter igitur exequimini quod mandamus ut ea intentione vos ostendatis haec tenus laborasse quōd finem tantis imponeatis laboribus & dignè reciperetis pro tanto & tam diutino labore mercedem. Datum Anagniæ ix. Kal. Februarij.

In eundem ferē modum Lantgravio Thuringia.
In eundem modum Comiti Palatino Rheni.

ARCHIEPISCOPO MAGDEBURGENSI,
spiritum constij sanioris.

Epi. 109.

In admirationem inducimur vehementem & non modo mōrō turbamur quōd cū Magdeburgensis Ecclesia in magna necessitatē articulo, videlicet tempore schismatis, sinceritatem devotionis & constantiam fidei Ecclesię Romanę servat, & in eadem usque ad hęc tempora permanerit puritate, nunc faciente, quod dolentes referimus, obscuratum est aurum, mutatus est color optimus, & argentum tuum in scoriam est conversum, contra id quod de te haec tenus putabamus. Inter ceteros etenim ecclesiasticos & seculares imperij Principes te credebamus Romanam Ecclesiam quodam modo specialiūs venerari & nos ipsos brachiis sincerius caritatis amplecti & sic in apostolicae sedis devotione firmiter permanere ut nec mors, nec gladius, nec famēs, nec aliud te posset à caritate ipsius aliquatenus separare. Sperabamus siquidem quōd sic nobis fideliter adhaereres quōd velles cum triumphatis triumphare, ac licet casum non posses formidare nobiscum, reputares tamen, si cum cadentibus caderes, gloriosum, & beatum te crederes si persecutionem propter justitiam & obedientiam paterenis. Sanè adverte te debuisses ne relicta obedientia semita, contra stimulum calcitrans, ad inobedientia devia declinares, cum obedientia preferatur victimis, & idolatria inobedientia comparetur, dicente Propheta: *Numquid vult Dominus holocausta & victimas, & non potius ut obediatur voce ejus? Melior est enim obedientia quam victimae, & aufscultare magis quām offerre ad ipsum arietum; quoniam peccatum ariolandi est repugnare, & quasi scelus idolatria, nolle acquisicere.* Legeras autem quōd inobedientia de paradiſo primum hominem expulit, & Saülem à regno dejectit. De Christo vero, quia factus est obedientia patri usque ad mortem, mortem autem crucis, in Apostolo novimus te legisse quōd propter hoc Deus exaltavit illum, & donavit illi nomen quod est super omne nomen, ut in nomine Iesu omne genu flecatum cælestium, terrestrium, & infernum, & omnis lingua confiteatur quoniam Dominus Iesus Christus in gloria est Dei patris. Quia ergo scienti bonum, & non facienti, peccatum est illi, & servus sciens voluntatem domini sui, & non faciens, vapulabit multis, cū quām commendabile sit obedientia bonum & quām detestabile inobedientia vinculum ex divina pagina didiceris lectione, veterem hominem cum actibus suis exuere debuisses & novum induere qui tibi & aliis reliquit exemplum ut sequamini vestigia ejus; quatenus sicut ipse non solum obedientis Deo patri, sed Mariae Joseph subditus fuisse describitur, sic & tu superioribus subditus non resisteres contumaciter, sed humiliter obediens; ne si aliter ageres, pro pari criminis punieris non impariter cum Saüle. Licet autem inobedientia vitium potuisse jam pridem in te graviter vindicare, cū propter hoc per venerabilem fratrem nostrum P̄ræfatum Episcopum apostolicae sedis Legatum, qui quantus in Cisterciensi ordine fuerit, & quantum locum in Ecclesia meruerit obtinere, quantumque per injunctum ipsi legationis officium auctoritatis ei accesserit & honoris, te non credimus ignorare, fueris excommunicationis sententia innodatus, nec te propterea excommunicatum habueris, sed excommunicatus p̄sumperis celebrare, nos tamen canis tuis & honestati parentes, quantumcumque videbunt derogare Legato, licet id non faceremus animo derogandi, te fecimus à vinculo excommunicationis absolvī, credentes quōd patientia nostra te ad p̄niteniam revocaret, nec gratia nostra te de cetero exhiberes ingratum, sed gratias agens potius obediens. Verū, sicut opera tua testimonium perhibent veritati, factus est novissimus error tuus pejor priore, cū ex benignitate nostra sis amplius induratus, ita ut despere videaris in senio qui tempore sauerias juvenitas. Ecce etenim cū idem Legatus, de quo fiducialiter gloriamur quōd à muneribus excutit manus suas, & de quo verē epist. 16. 84. dicere possumus, *Non fuit qui ditaverit Abraham, tibi ex parte nostra sub debito juramenti quod in tua nuptiis absolutione p̄stiteras distracti p̄ceperit, & nos etiam per litteras nostras dederimus in mandatis ut super imperij Romanum negotio nostra acquiesceres voluntati, & carissimo in Christo filio nostro illustri Regi Ottoni in Romanorum Imperatorem electo, quem nos in Regem suscepimus, tu quoque nobiscum eum in Regem succipiens, fideliter adhaereres, tu tamen nec ejus nec nostro mandato deferens, nec p̄statum juramentum atendens, nolivisti quod mandatum tibi fuerat adimplere; immo cum propter hoc excommunicatum te renuntiaverit & perjurum, relaxasti contra eum & Romanam Ecclesiam linguam tuam, & nescimus cuius appellatiois obtenuit deferte sententia contempisti, cū etiam in dubio debuisses viam eligere tutiorem, & donec res nostro diffiniretur iudicio, sententiam observare. An fortè putas quōd mandatum tibi factum fuerit contra Deum, aut in tali negotio, tamquam ad apostolicam sedem non spectet, nobis*